

## ՈՐՈՇՈՒՄ

### ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ԿԵՐԱԲԵՐՅԱԼ

քաղ. Երեւան

01 դեկտեմբերի 2008թ.

Հայաստանի Հանրապետության Սահմանադրական դատարանի 1-ին դատական կազմը

Նախագահությամբ՝ Կ.Հովհաննիսյանի  
Անդամակցությամբ՝ Զ.Դուկասյանի և Կ. Բալայանի

Քննության առնելով դատապարտյալ Մուրադ Բոջոյանի ներկայացուցիչ՝ Պարգև Օհանյանի դիմումի ընդունելիության հարցը

### ՊԱՐՁԵՑ

Պարգև Օհանյանը դիմել է ՀՀ Սահմանադրական դատարան՝ վիճարկելով ՀՀ քրեական դատավարության օրենսգրքի 434 հոդվածի 1-ին մասի սահմանադրականությունը:

Դիմումը ենթակա է մերժման հետևյալ պատճառաբանությամբ:

Պարգև Օհանյանը դիմումը ներկայացրել է դատապարտյալ Մուրադ Բոջոյանի անունից: «Սահմանադրական դատարանի մասին» ՀՀ օրենքի 28-րդ հոդվածի 1-ին մասի համաձայն՝ սահմանադրական դատարան ներկայացվող դիմումին կցվում են ներկայացուցչի լիազորագիրը կամ նրա լիազորությունները հաստատող այլ փաստաթուղթ:

«Սահմանադրական դատարանի մասին» ՀՀ օրենքի 46-րդ հոդվածը սահմանում է, որ կողմերը Սահմանադրական դատարանում կարող են հանդես գալ անձամբ և (կամ) ներկայացուցիչների միջոցով, Սահմանադրական դատարանում որպես կողմի ներկայացուցիչ կարող են հանդես գալ նրա լիազորած անձինք՝ պաշտոնատար անձը կամ այն փաստաբանը կամ բարձրագույն իրավաբանական կրթություն ունեցող կամ սահմանադրական իրավունքի ոլորտում գիտական աստիճան ունեցող անձը, որի լիազորությունները հավաստված են օրենքով սահմանված կարգով: Դիմումին կից ներկայացված լիազորագրում թվարկված են այն կոնկրետ դատարանների անվանումները, որտեղ Պ. Օհանյանը կարող է ներկայացնել Մ. Բոջոյանի շահերը: Նշված ցանկում բացակայում է ՀՀ սահմանադրական դատարանի անվանումը:

Նկատի ունենալով այդ հանգամանքը, ղեկավարվելով ՀՀ Սահմանադրական դատարանի մասին ՀՀ օրենքի 69 հոդվածի 6-րդ կետով, հիմք ընդունելով Սահմանադրական դատարանի մասին ՀՀ օրենքի 32 հոդվածի 2-րդ կետի պահանջը, Սահմանադրական դատարանի 1-ին դատական կազմը

### ՈՐՈՇԵՑ

Դատապարտյալ Մուրադ Բոջոլյանի ներկայացուցիչ՝ Պարզև Օհանյանի դիմումը մերժել:

Նախագահող՝

Անդամներ՝

